

ادبیات عمومی و سیاسی

هفته‌لق سیاسی، علمی و ادبی غزته‌در

جلد : ۲

سنه : ۲۰۲۳ محرم ۱۳۳۶ جمعه ایرتسی ۱۰ تشرین ثانی ۱۹۱۷ نومرو ۱۰-۴۱

اجمال فکر

بر دقیقه لسانی و بر مضای فکری

Nation فرانسز - انگلیز - آلمان کله‌سی که «پرو و انسال» جه Natio, Nasion؛ اسپانیولجه Nacion؛ ایتالیانجه Nazione؛ لاتینجه Nationem کله‌سی لاتینجه ده اولدینی کی تولد = Naissance و طبیعت = Nature ماده لرندن مشتقد. مشهور [لیتره] به کوره (لغة) تعریفی: «عینی قطعه اراضیده ساکن، بر حکومته تابع و یا غیر تابع، و آنلری عینی عرقدن ظن ایشدیره جک مرتبه ده» (همان) مشترک منافع اسکیدن بری مالک انسانلرک مجموعی... «جلد ۳، صیفه ۶۹۱. بیوک [لاروس] - جلد ۱۱، صیفه ۸۵۴ - ده شویله دیور: «عینی قطعه اراضیده ساکن، عینی عرقه منسوب، یا خود اوزون زماندن بری عینی منافع مالک، عینی عرقه و طبایعه صاحب و علی الاکثر عینی لسانی متکلم انسانلرک مجموعی...» بوقوله کوره منشأده (ملت) ک تاریخی (عائله) نک تاریخیه برلشیر: Age patriarcal - بوبالا خره قبیله Tribu ویا کروه Horde انقلاب ایتدی. بوحالندن ملت حاله وقوعبولان انقلاب پک یواش اولدی. ملت، بر درجه مدنیت احراز ایتش هیاته اطلاق اولنور. ملت تاریخی هانکی دورنده باشلادی؛ بوجهت معلومیدر؟ خیر! الی آخره... ایددی، بو (ناسیون) کله سنک ترکیه ده - یا خود السنه اسلامیه ده مقابلی نه در؟ ملتعی؟ «(الله) میمک کسریله دین و شریعت اطلاق اولنور. امالت الکتاب ماده سندن مأخوذدر. بقال مله ابراهیم خیرالملل ای شریعت و دینه اساسده زمخشری دیدی که مله طریق مسلوکه معناسنه در دین و شریعت شاهراه مستقیم اولغله آنکه تسمیه اولندی. «قاموس فیروز آبادی جلد ۳، صیفه ۳۵۲ «ملت = دین، شریعت (بزجه دین و ملت بر در) بر دینده بولونان جماعت، کروه (ملت اسلامیه) بر مملکتده طوغان و یا خود ساکن اولان و بر حکومته تابع بولونان افرادک هیئت مجموعیه سی مقامنده و فرانسزجه (Nation) «ناسیون» کله سی مقابلنده (ملت) و (امت) کله لرینی قوللانقی طوغری اوله ماز، (قاموس عثمانی) نک ایکنجی جلدینک اونی سکزنجی صیفه سنده (امت) کله سی

ترکستان غربیده کی اوزبک‌لرک ترکستان شرقیدن هجرت ایتش « نایمان » موغوللارندن اوله‌لری محتملدر . غرب تورکلری اولان اوغوزلرک اسمی ایسه (بویوک اولوس) دیمک اولان (اوغوز ، اولوس) دن مأخوذ اولدینی اغلب احتمالدر . نیته‌کیم آرال ده‌کیزینه آقان آمودریا صوینک اسم قدیمی « اوغوز » یعنی « بویوک‌صو » معناسنه (اوغوز ایرماق) [۱] ایدی . اسکی یونانیلر بواسمی « اوکسوس » Oxus طرزنده تحریر ایلشلردر .

تورکجه معلوم بر حیوان اسمی اولان « اوکوز » کله‌سی « اوغوز » کله‌سنک صورت خفیفه‌ده تلفظ اولنمه‌سندن عبارتدر . فقط یک غربیدرکه انکلیز لساننده دخی اوکوزه « اوکس » eukss [ox شکنده یازیلیر] دیرلر . (آلمانجه‌دهده اوقس Ochss)

اوغوز خانلره علامت سلطنت اولق اوزره قنادلری آچیق و اوچان قرمزى قارتال قبول ایلش ایدی . بوعلامت زمانره قدر سلاطین عظام عثمانیه‌نک « طغرا » تسمیه اولونان نشان سلطنتیدر . بوکله‌یه لهجه عثمانیده باقیله‌جق اولور ایسه پک‌مهم اولان شو عبارتله کورولور : « ترکیده توغرا و طوغرول ایکی قنادی آچیق طوغان دیمکدر . برنوع شدید بویوک طوغان نشان خاقانی اتحاد اولمشدر . اوغوزلر خاتینک نشانی آندن یازی ایله تقلید اولمشدر . » « توغرا » ایله « طوغان » « نجیب قوش » معناسنه اوله‌رق « طوغمق » و « طوغشلی » اصلندن کلیرلر . تورکلر دین اسلام ایله مشرف اولدقدن صوکره قارتال شکلی یازی ایله تقلید ایتشلردر . شم‌دیکی طغرانک یالکز شکل خارجیسی چیزیلرک بوشکل زیاده‌جه صاغه دوغمری میل ایتدیریله‌جک اولور ایسه صول طرفده قارتال قوشینک اوزون بویونی ، صاغ طرفده قویروغی ، آلت طرفده طوپلنمش آیاقلری و یوقارده مدور اوله‌رق قنادلری ایوجه تفریق اولونور . قدیمدن بری تورک پادشاهلرینک قارتال شکنده اولان تمغالری قرمزى رنگده اولدینی ایچون بوعلامته « آل » اسم مخصوصی دخی ویرلمشدر [لغت شیخ سلیمان] .

متقاعد ارکان حربیه فریقی

انور

[۱] آمودریا ایله سیردریانک اوائله « اوغوز » نامیه یالکز برصودن متشکل اولدینی

آکلاشلنقه‌در .

تغزل

یکسر تشکل ایله‌مش اوراق غنجه‌دن
یاد لب و رخکله کتاب تحسسم .
عشقکله ارغنون جنون اولدی ناکهان
محکوم اینکن سکوته رباب تحسسم .
راز آشنای روح اولانلرده بیلمز آه
فائق ، ناصل ، نه رتبه خراب تحسسم .

فائق عالی

بن هر دقیقه مست شراب تحسسم ؛
بیلسه‌ک ناصل ، نه یولده خراب تحسسم .
برف زمانله صاچلرم اولدجه بم بیاض
برپاندن آرتیور تف و تاب تحسسم .
مادم که وار کوکلده بوسودای سرمدی
اولماز هر صرسیده شباب تحسسم .
قلب شتاهه کوزلرک ایتکله انعطاف
یریر منکشه آجدی تراب تحسسم .